

黃蕘圃先生年譜



黃蕘園先生年譜

江 標 輯

叢書集成初編

(補印本)

黃蕘先生年譜

一九三九年十二月初版

一九六〇年一月補印

江

標

輯

商務印書館出版

上海市印刷六廠印刷

黃堯圃先生像

七月二十一日海虞胡駿叔為堯翁寫鏡中影



蕘翁六十三歲像原裝入魚元機
詩思園題詞冊中從先生後人
寶夫借得即乞芑香孫琴安重
撫刊入年譜時光緒丁酉十一
月元和後學江標謹記

黃堯圃先生年譜卷上

清 元和江 標輯

乾隆二十八年癸未五月十一日先生生

士禮居題跋記卷五姚少監文集跋

先生行二

夢詩圖卷詩引墨迹

名丕烈字紹武一字紹甫又

字堯圃又曰堯夫又曰堯翁又曰老堯更號復翁復初氏宋廩一翁求古居士求古居主人讀未見

書齋主人聽擬軒主人秋清逸士廿止醒人見獨學人陶陶軒主復見心翁學山海居主人

先生題鈔本齋

閒老人明秀集詩注云李中麓家詞山曲海余藏詞曲甚夥名其藏弄之所曰學山海居

抱守老人長梧子知非子半恕道人

以上見先生跋語中

民山山民

見張蔣塘大濞山房詩集

自注員嶠山人

見陳氏求古精舍金石圖序後印文

佞宋主人

見徐子晉前塵夢影錄上

皆先生自號也江蘇蘇州府長洲縣籍

蘇州府志

先世居

閩之莆田其十世祖秀陸遷至江甯及曾祖琅始移居吳門再傳至君考維號耐菴以忠信直諒訓

其子弟君生有至性克承家範兄承勳出爲伯任達先生後

石韞玉獨學廬四稿

標按同治蘇州府志黃丕烈字紹武乾隆戊申舉人注銓部主事性孝友父

概在堂。不戒於火。將及寢。不烈燥棺大慟。誓以身殉。火竟滅。平生無聲色之好。喜藏書。購得宋刻百餘種。學士顧雍。頌其室曰。百宋一席。日夜校讐。研索訂正。嘗刻周禮鄭注。國語國策。焦氏易林等書。一以宋元爲準。又道光志。不烈既卒。藏書歸長洲汪士鐘。又獨學廬四稿云。少讀書。務爲精純。發爲文章。必以六經爲根抵。嘗仿宋人春秋類對之法。摘經語集爲駢四體六之文。以類相從。哀然成編。其勸學如此。

二十九年、甲申、二歲。

三十年、乙酉、三歲。

三十一年、丙戌、四歲。

三十二年、丁亥、五歲。

三十三年、戊子、六歲。

三十四年、己丑、七歲。

三十五年、庚寅、八歲。

三十六年、辛卯、九歲。

三十七年、壬辰、十歲。

三十八年、癸巳、十一歲。

三十九年、甲午、十二歲。

四十年、乙未、十三歲。

四十一年、丙申、十四歲。

四十二年、丁酉、十五歲。

四十三年、戊戌、十六歲。

四十四年、己亥、十七歲。

四十五年、庚子、十八歲。

四十六年、辛丑、十九歲。

是年、先生以十九名、入長洲縣庠、學使爲彭元瑞侍郎。

長元和三縣青衿錄。又獨學廬四稿云、年十九、補學官弟子、尋食餼。

四十七年、壬寅、二十歲。

四十八年、癸卯、二十一歲。

四十九年、甲辰、二十二歲。

五十年乙巳二十三歲

五十一年丙午二十四歲

五十二年丁未二十五歲

五十三年戊申二十六歲

先生是年舉江南孝廉

蘇州府志。標按是科解元秦興季惇大潘文勤師序士禮居題跋記。稱爲蕘圃解元。不知何據。標又見湯三史題先生夢詩圖卷詩注云。蕘圃與余同戊申榜。蕘圃名列第三。座師胡豫堂先生以

大魁期許。乃禮闈數上。挑列一等。加捐主政。分部告歸。

五十四年己酉二十七歲

九秋見天下郡國利病書彙本三十四冊於張秋塘處

士禮居藏書題跋記。凡余未見原跋。僅據此記采入者。旁注一記字。

冬借朱氏滋蘭堂藏沈寶硯校本楊子法言李注十卷手錄之

原校本原跋

五十五年庚戌二十八歲

秋於文瑞樓書肆得臨陸敕先校明翻宋刻本國語六冊

記。標按海虞詩苑小傳。陸貽典字敕先。號觀庵。自少篤嗜文典。師東澗而友鈍吟。又接敕先。常熟人。

小春下弦後二日，借滋蘭堂惠松崖校本大戴禮記，過臨畢，跋之。長至日，又取盧本覆校再跋。記。標按

錢大昕惠先生棟傳，字定宇，號松崖。士奇次子。初爲吳江學生員，改歸元和籍。自幼篤志向學，家多藏書，日夜誦誦雅愛典籍，得一善本，傾囊弗惜。或借讀手鈔，校勘精審，於古書之真偽瞭然若辨黑白。

臘月望前，從同年蔣賓嵎得山東孔氏校刊本國語，以新借同郡滋蘭堂朱秋崖臨校惠松崖校本

傳錄于上，又以前得陸校本參互之，并題三跋。

記。標按朱秋崖名邦衡，姪文游，名奕，藏書處曰滋蘭堂。國朝漢學師承記余古農先生傳，吳縣朱丈文游藏書之富，甲於吳門。廷先生

敦讀館于滋蘭堂中，得偏讀四部書。

五十六年辛亥二十九歲。

得叢書堂鈔本孟子注疏解經。原跋。

春季校說文，後以所藏臨陸敕先校本國語，易五柳居主人陶蘊輝唐六典。

記。標按南潤文集上卷，琉璃廠書肆記云：五柳居陶氏

在路北，近來始開，而舊書頗多。與文粹堂皆每年購書於蘇州，載船而來。五柳多瑣川吳氏藏書，書肆中曉事者，五柳之陶文粹之謝，又按蘊輝名球琳，原籍烏程，移家吳門。孫淵如五松閣文彙，曾爲蘊輝父正祥作傳。正祥字廷學，讀書爲業，與吳中名下士交接。

於書能知
宋元佳本

三月下泮一日。鐙下。覆勘陸校本國語并跋記。

十一月二十八日。跋新得宋寶王校鈔本吳郡文粹。屬同年沈書山書之。

記。標按蔣光煦東湖叢記。王闡遠金石契言敘知交七十七人中。

言宋蔚如名寶王。起家市井。性嗜奇書。無力購弄。則百方丐鈔。惟以搜羅遺佚。訪求放失爲事。又按寶王太倉人。

五十七年壬子三十歲

春仲。假得錢磬室校刊吳地記吳郡圖經二書。以吳琯所刻古今逸史中吳地記校訖。又從同年沈

書山借得吳郡圖經續記。以錢本臨校一過。卽跋於沈書後。

士禮居題跋記續。凡未見原跋。據此采入者。書記續二字。

秋。以數十金得天下郡國利病書彙本跋記。屬同年沈書山書之記。

莫秋。得滋蘭堂惠校大戴禮記十三卷。因跋庚戌年所臨校本後記。

九月四日。重裝去年所得孟子注疏解經成跋記。原跋。

十月先生以十卷本鈞礪文集。假於錢竹汀先生。錢有跋。見潛齋堂文集卷三十一。標按潛齋先生在吳時與先生往還頗密。

竹汀日記鈔。每云借黃義圃某書云云。屢見者也。

十一月得宋刻大戴記。以惠校本歸顧抱沖。記。標按顧千里撫本禮記。鄭注考異序。往者家從兄抱沖。收善本經籍。將次第刊行。不及而沒。兄名之遠。元和虞賈生。沒於丁巳春。年四十

五。藏書處名小讀書堆。

仲冬從朱秋崖借得惠松崖校經典釋文。記。

仲冬跋校本經典釋文。并過臨惠松崖手校本。記。

五十八年癸丑三十一歲。

秋從東城顧氏借殘宋本禮記鄭注。記。

秋孟跋校宋本禮記鄭注。記。

冬季得宋景祐本後漢書

蔣光煦東湖叢記卷五

十二月七日鈕匪石至先生家觀惠校後漢書補逸

匪石日記

五十九年甲寅三十二歲

是年丁外艱

校老學庵筆記原跋標按當在六月前因是月火先生父柩停家中見蘇州府志又按殘宋本普濟方跋略云余自甲寅後連丁大故天災人事困苦身心又按影宋本永嘉四靈詩跋云癸丑下第歸後連丁內外艱

得崑山葉文莊六世孫九來舊藏舊鈔本隸釋

思適齋集卷八代黃堯圃隸釋刊誤序

夏得舊鈔本劉後村集

記續

四月朔跋新得鈔本古唐類範一百六十卷

記續

四月十日跋所得明刻本高季迪伯鳴集

記

四月十六日匪石至先生處觀王育說文五音韻譜說

匪石日記

四月二十五日。匪石至先生家。觀宋刻列女傳。日記。

五月夏至日。跋宋槧本中興館閣錄。記。

五月十四日。匪石至先生家。觀顧亭林原稿郡國利病書鈔本。北堂書鈔。竹垞藏。宋本唐文粹。趙氏殘

宋本杜詩。又在坐中。見書賈攜來王復齋鐘鼎款識原本。匪石日記。

秋。先生同年蔣賓嵎。以宋本孟東野集贈先生。記。

七月十九日。匪石至先生家。觀影鈔天聖七年國語。末有義門跋。二宋本小字左傳。不附釋文。刻極精。每葉廿八行。行廿三字。闕八卷。又大字本。亦不附釋文。同有殘闕。毛影元鈔隸續宋本東家雜記。略有蠹損。又先生與匪石云。得鈔本讀書敏求記。匪石日記。

廿二日。又至先生家。觀鈔本廣雅方言。錢叔寶以宋本校合刻李杜集。北宋本鄭注儀禮。又細觀大小字不全宋本左傳注。匪石日記。

九月初一日。匪石至先生家。觀鈔本元祕書監志明初本姚光孝逃虛子集。又至顧千里館中。按是時千里館

先生家。見所校潛夫論越絕書。匪石日記。

九月十二日。匪石至先生家。觀北宋本孟東野集。又觀鈔本虞道淵類篇。匪石日記。按篇當藥字之譌。

九月二十八日。匪石至先生家。觀周漪塘藏影宋鈔隸釋。舊鈔本太平寰宇記。匪石日記。

十月十三日。匪石至先生家。觀元板大字黃氏日鈔。淡生堂鈔本隆平集。舊刊本林和靖集。匪石日記。

六十年乙卯三十三歲。

春。從同榜蔣賓幄得天順本柳文肅公集。續記。

三月朔日。跋新得王聞遠家舊鈔月屋漫稿。記。

三月。於馬鋪橋周薌嚴家。借得騎龍巷顧氏鈔本靈臺祕苑。卽校于舊藏明鈔本上。跋記。記。

夏日。先生以繼得影寫明道本國語。屬顧澗菴校舊藏校宋本上。澗菴有記。記。

閏月借顧淵蘋傳錄何校本宋本新序臨寫一過跋之。

四月望日又跋。

記。標按養一齋文集顧淵蘋墓志銘先生名廣圻字千里以字行號淵蘋百宋一廬賦注居士姓顧名廣圻元和縣學生喜校書皆有依據深有取於邢子才日思誤書更是一適語以之自號。

閏月七日匪石至先生家見舊鈔方輿紀要南宋大字本後漢書殘本。

匪石日記。

四月初一日訪顧抱冲家觀何校本新序。

記。

夏得元刻元統元年進士題名錄索錢竹汀先生跋之。

記。標按錢跋在重五日夏至重加裝治并自跋。

四月跋舊鈔汪水雲詩。

記。

四月十四日見太倉王氏所藏宋本新序十卷以賈巨還之。

記。

四月廿八日匪石至先生家見劉平水新韻宋本新序。

匪石日記。

端陽前二日於書友吳東亭處見新鈔本靈臺祕苑又校明鈔本再跋。

記。

重五日日夏至錢竹汀爲先生跋元刻元統元年進士題名錄。

記。

五月十四日。匪石至先生家。見宋本左傳集注。附釋文。缺三本。又觀宋本朱子易學啓蒙。匪石日記

六月四日。跋新從郡中賜書樓蔣氏得宋刻本三謝詩一卷。每頁白金二錢。記

六月中澣日。以千錢得舊鈔汪水雲詩。跋之。記

六月二十日夜。先生大夫人房中失火。延及先生臥室。器用財賄皆空。所藏書籍獨存。越二日。從書

友胡益謙得宋本北山小集四十卷。跋之。記

標按先生得是書。繪續得書。圖名是曰蝸廬松竹。詳見原跋。

秋仲。以千錢得鈔本回疆志。

記續書經補遺跋。

八月。跋顧淵蓺以影明道本國語校舊藏校宋本。記

八月十日。從書友鄭輔義得鈔本柳待制文集二十卷。附錄一卷。跋之。記續

冬。以八十餘金。得四月中所見太倉王氏藏宋本新序。及北宋小字本列子。記

十一月下澣四日。以青蚨八百。得元鈔本書經補遺。記續